



Broj: 03-34-2-382-2/17  
Sarajevo, 7. 2. 2017. godine

Na osnovu člana 55. Zakona o radu u institucijama Bosne i Hercegovine ("Službeni glasnik BiH", br. 26/04, 7/05, 48/05, 60/10 i 32/13), člana 2. Odluke o uslovima i načinu prijema pripravnika VII stepena stručne spreme u radni odnos u institucijama Bosne i Hercegovine ("Službeni glasnik BiH", br. 52/05, 102/09 i 9/15), Odluke o prijemu pripravnika u Sekretarijatu Parlamentarne skupštine Bosne i Hercegovine, broj: 03-34-2-382/17 od 6. 2. 2017. godine, Kolegij Sekretarijata Parlamentarne skupštine Bosne i Hercegovine raspisuje

## JAVNI OGLAS za prijem volontera u Sekretarijat Parlamentarne skupštine Bosne i Hercegovine

U Sekretarijat Parlamentarne skupštine Bosne i Hercegovine primaju se volonteri:

1. Sa završenim pravnim fakultetom — šest izvršioaca,
2. Sa završenim ekonomskim fakultetom – četiri izvršioaca,
3. Sa završenim fakultetom društvenog smjera – 1 izvršilac

### I - Opis poslova:

Volonteri će obavljati poslove s ciljem osposobljavanja za samostalan rad u okviru svoje struke i sticanja radnog iskustva za polaganje stručnog (upravnog) odnosno javnog ispita.

**II – Mjesto rada:** Sjedište Parlamentarna skupština Bosne i Hercegovine, ul. Trg BiH, broj 1 u Sarajevu.

### III - Uslovi za prijem:

Volonter mora ispunjavati sljedeće opće uslove propisane članom 10. Zakona o radu u institucijama Bosne i Hercegovine:

- da ima navršениh 18 godina života;
- da je državljanin Bosne i Hercegovine, što dokazuje uvjerenjem o državljanstvu, ne starijem od šest mjeseci (orginal ili ovjerena fotokopija),
- da protiv njega nije pokrenut krivični postupak za krivično djelo za koje je predviđena kazna zatvora 3 i više godina ili da mu nije izrečena zatvorska kazna za krivično djelo učinjeno sa umišljajem u skladu s krivičnim zakonima u Bosni i Hercegovini, što dokazuje uvjerenjem nadležnog suda, ne starijim od tri mjeseca (orginal),
- da nije obuhvaćen odredbama člana IX stav 1. Ustava Bosne i Hercegovine, što dokazuje izjavom ovjerenom kod nadležne opštinske službe,

- da je zdravstveno sposoban, što dokazuje ljekarskim uvjerenjem, a koje dostavljaju izabrani kandidati po završetku izborne procedure, a prije zaključivanja ugovora o volonterstvu.

Kandidat koji se prijavljuje na Javni oglas mora ispunjavati i sljedeće posebne uslove:

#### **Posebni uslovi:**

- Završen pravni, ekonomski ili drugi fakultet društvenog smjera visoke stručne spreme VII stepen ili završen najmanje prvi ciklus školovanja dodiplomskog studija ekvivalent Bolonjskog sistema, koji je vrednovan sa najmanje 180 odnosno 240 ECTS bodova, što dokazuje diplomom ili uvjerenjem o diplomiranju koje je izdala visokoškolska ustanova, ne starijim od jedne godine odnosno od roka potrebnog za izdavanje diplome i dodatak diplomu (original ili ovjerena fotokopija), kandidat je dužan da uz ovjerenu fotokopiju sveučilišne diplome dostavi potvrdu visokoškolske ustanove da dodatak diplomu nije uopće izdan, niti za jednog diplomca, a u slučaju da fakultet nije završen u Bosni i Hercegovini strana diploma mora biti nostrifikovana (dokaz o nostrifikaciji – ovjerena kopija),
- Dokaz da nema ostvaren radni staž i iskustvo od jedne godine i više, nakon diplomiranja, što se dokazuje potvrdom – uvjerenjem Zavoda za zapošljavanje,
- Popunjen i potpisan prijavni obrazac koji se nalazi na internet (WEB) stranici Parlamentarne skupštine Bosne i Hercegovine <http://www.parlament.ba>.

#### **Napomena:**

- Kandidati su dužni da dostave dokumente tražene Javnim oglasom, a dokumenti koji nisu u skladu s tim neće biti razmatrani.
- Diplome o završenom drugom i trećem ciklusu studija Bolonjskog sistema, kao i diplome o sticanju naučnih zvanja, nisu prikladne za dokazivanje uslova utvrđenih ovim Javnim oglasom, te se iste neće uzimati u razmatranje;
- Kao dokaz da kandidat nema ostvaren radni staž i iskustvo od jedne godine i više, ne dostavljati uvjerenja, kontrolne kartone od zavoda za zapošljavanje i druge dokumente koji nisu traženi ovim Javnim oglasom, jer se isti neće uzimati u razmatranje;
- U slučaju da kopija dokumenata traženih ovim Oglasom ima više stranica, potrebno je izvršiti ovjeru dokumenata između stranica, u suprotnom, isti se neće uzimati u razmatranje;
- Validnost navedenih dokumenata računa se danom prijema prijave kandidata na Javni oglas;

**-Izabrani kandidat je dužan prije potpisivanja ugovora o volonterskom radu dostaviti ljekarsko uvjerenje o zdravstvenoj sposobnosti za obavljanje poslova radnog mjesta na koje se prijavio i uvjerenje da se protiv kandidata ne vodi krivični postupak izdato od nadležnog suda ( ne starije od tri mjeseca), u suprotnom neće doći do potpisivanja ugovora o volonterskom radu, odnosno kandidat se skida sa liste uspješnih kandidata.**

#### **VI - Postupak izbora:**

Kandidati koji ispunjavaju uslove iz Javnog oglasa i koji su blagovremeno podnijeli urednu i kompletnu prijavu na Javni oglas podliježu provjeri znanja koju u skladu sa Odlukom o uslovima i

načinu prijema pripravnika visoke stručne spreme u radni odnos u institucije Bosne i Hercegovine ("Službeni glasnik BiH", br. 52/05, 102/09 i 9/15), provodi Komisija za izbor kandidata za prijem volontera. Odluku o načinu provjera znanja sastoji se od pismenog testa i intervjua.

## **VII - Dostavljanje prijava:**

Prijave se mogu predati najkasnije osam dana od dana objave Javnog oglasa u „Dnevnom avazu“, „Nezavisnim novinama“ i "Večernjem listu" do 15. 2. 2017. godine, direktno na protokol Parlamentarne skupštine Bosne i Hercegovine ili poslati poštom preporučeno na adresu: Parlamentarna skupština Bosne i Hercegovine, ul. Trg BiH br. 1., 71 000 Sarajevo, sa naznakom za "Javni oglas za prijem volontera".

Volonterski rad može trajati najduže jednu godinu.

Nepotpune, neblagovremene i neuredne prijave kao i kopije tražene dokumentacije koje nisu ovjerene ili su ovjerene nakon isteka važnosti originala koji se ovjerava, te dokumenti stariji od roka koji je utvrđen Javnim oglasom neće biti razmatrani.